

清豐縣志

續編附

卷之首

序續

凡例

圖緯續

卷之一

沿革

地理

卷之二

古蹟

編年

卷之三

田賦附里甲塩鈔續

目次
姓氏續

建置續

風土

同治壬申年重鑄

清

豐

縣

志

清豐縣續志序

視遠者莫備其形聽遠者莫罄其聲
古史紀遠半慨闕如然非及時蒐羅
猶未必存什一於千百也清豐縣志
自康熙十五年平湖楊君一修爰迄
于今其已書者棗梨濱脫落矣其未
書者星霜濱銷鑠矣歲已巳余承乏

清豐縣續志

序

一

來茲周覽邑里攷其民風大抵氣勁
而情樸樸則可與之心本圖勁則可
與之力德義農式訓爾學式勸爾蓋
是邦之古澤長也夫宰之職職字人
竊有志乎宏風教矣不惟我父老子
弟願與忱恂于桑梓典型見知聞知
某某書德行某某書道藝善斯傳傳

斯慕慕斯宗矣然則縣志之修毋亦
新民志而示以嚮方之助與顧懷之
久而難其貴會邑人氏馬學孟龍永
青高經晁廷舉洪鵬海王殿忠程惠
遠杜養源魯秉中史周書等公呈以
請馬學孟王殿忠同任經費詳請
各憲旋蒙批准量貲籌辦第簡毋繁

官事分諸吏民事彙諸學而採訪畢
具越惟纂述庸漫與哉遠者之不虞
略虞鑿也猶近者之不虞詳虞糴也
古之傳者隨物賦形工矣事外遠致
不又進與年友正陽吳章民中翰治
古文辭聘焉以仲冬至涉兩月書成
一百九十餘年孝子弟弟氣節文章

其精神面目一朝勃勃出卷軸中處而卒孝廉孫貳尹葛茂才洎同城諸君子與斯役者人人容無忤風化彼繁敢弗慎諸至若卷帙編目新與舊次第相踵而不相揜統授劑厠區以清豐縣續志言乎非修之姑續之已爾夫方輿圖籍將備

國史之採前志不甚下借書法寓焉後有作者渾新舊兩書都成一編或縮之爲康對山之武功或擴之爲劉恭叔之文獻則持此相質儻亦爲之編最也夫

同治十年嘉平月

同知銜知清豐縣事戊午科舉人薛

符高俊撰

清豐縣續志

序

四

舊序

今

天子十二年之六月煬帝授知清豐九月九日泣任授事
月餘交盤甫竣例應恭謁 憲臺走天雄復走上谷
憲臺面命諄切敢不以古人清慎勤三字敬誌書紳
但正擬淬勵而臘盡春始之際忽奉羽檄慎固城守
慰勞黎庶隨因喂騎郡郊督催芻秣而且預儲正供
以資軍實蓋幾無暇晷矣然志書之役蒙

聖天子加意文獻纂集成書倘方與有志而天雄不備天
清豐縣志

楊一

雄各州邑有志而頓丘不備非所以昭一統煥同文
也爰與教諭劉瓚遴選本學廩增附生員得八人肩
集公所據報採修務仰體 憲行寧嚴毋濫寧慎毋
徇之至意刪繁就簡覈實去浮加意補輯凡兩閱月
而書成來告遂于簿書之暇手自校定兢兢不遑惟
念

聖朝文德武功聲教四訖而畿輔之地沐浴尤深且

憲臺德意宏敷告諭懇至大典倘有疎忽何以傳後
故越明年而稿凡三易俾山川形勢戶口丁徭地畝

錢糧風俗人物庶幾簡不傷略今不病古然後捐削
厠之資登諸梨棗共襄厥成者爲縣丞熊樹勳徐宏
炯典史傅宏綱生員侯宇禎等而採修諸生朱葵孫
述祖侯璘杜晶濤王稔劉瑞侯溱程維翰等亦與有
討論之功焉至於燦承乏俸淺窺管才疎實不足爲
邑乘光有侯博雅名賢補其闕而增華庶乎其可也
是爲序康熙十五年五月朔

賜同進士出身文林郎知清豐縣事平湖楊燦撰

舊志序 第二頁缺

清豐古頓丘邑顓頊之墟也自漢以來或爲陰安或爲清豐或爲德清軍或隸頓丘郡或隸武陽郡雖分合省併靡恒而其地固不易也唐宋金元則又以隸余擅有明始改隸大名自上世以來山川之奠麗疆域之包表制度之沿革風俗之汚隆土壤之高下賦役之繁簡官師之臧否人物之盛衰絕未有紀邑方伯潭西呂子在中祕時卽有意爲之而殫于宦游未暇前令萬安張侯洛陽溫侯亦欲纂次而奪于簿書

清豐縣舊志

晁一

未能近邑人張君希仲粗述其略然譌缺種種讀之殊有遺恨嘉靖丙辰冬今令尹聞喜戒菴李侯綰符數月索邑志于掌故僅得希仲所爲稿廼太息曰古者生子數月閭史書之夫閭二十五家也尚有史矧清豐爲幾輔名邑德教之滲漉人文之煥炳視宅邑尤著獨譌缺乃爾詎惟慕古者無所考尋而圖治者抑何所因草耶乃毅然思任其事隨請於撫院巡院學院暨兵憲郡守而下咸可之遂開館于澶之太僕行寺幸不鄙余俾加纂定時余雖免先徵仕憂

寓于其中庶幾備史家一體且清豐之文獻典章或
借是有徵云顧獨有所疑而未釋者漢京氏遠矣魏
之諸李多起戎行亦無暇備責宋之諸晁父祖孫曾
皆以學問顯名當世如文元有澶州河宗新祠碑補
之有澶州登科記說之有朔問以明河朔之重而不
可割惟于桑梓之地反不用情以網羅編著發揮宗
國之盛抑獨何歟豈官居侍從備顧問摘藻操觚繁
情廊廟不周于小歟抑上聚之志閭里之版丞史之
圖固官府事非邦人職歟然則余之不敢辭纂定之

清豐縣舊志

三

責者雖以重李侯之請抑亦補前人之所未備也竊
謂賈耽凡考邑故必先詢其鄉之人范石湖作吳郡
志郡人龔頤正實薦所聞夫生於數百載之下而欲
考求紀述於千百載之上非鄉之賢者其孰憑之而
譚四方伯方遠在濟上疑竟罔質余又未能周游歷
覽窮探遠搜則舛誤乖譌舉一廢百又保其能自免
耶雖然以是編而行世傳遠固非敢冀至其蒐放逸
考沿革使後之稽古者得以洞悉一邑之始終則亦
未必無小補云昔唐寶德元不能判帝上之間識者

至今訾之夫帝丘正清豐地也繼自今覽是編者又豈有如德元之陋者耶然則李侯之銳意於此其有功于茲邑不淺矣李侯丙辰進士世有聞人都察院右僉都御史小全公其從祖父也爲政興學愛士約已厚民諸有興草靡不爲一方長久慮聲稱籍籍于大畿之南修志固其一斑耳維時受分閱之任者邑師生并諸貢士若干人而始終共事者則李生岱劉生從一李生國玉劉生永貞厥勞不可泯也因并書之嘉靖三十七年秋九月翰林院國史檢討涇淵晁

清豐縣舊志

例

畧

撰

舊志凡例

順治二年春小子構生謫授茲土時方兵火鴻雁未
集壘門砌巷罷市伏莽雖士夫有不能一朝之意數
登耆舊問以疾苦曰盜橫也至于圍城土滿也至于
懸帑民貧也至于鬻妻賣子問何至是曰大盜爰爰
脅從是緝被擄愚氓望城垣如陷阱呼聚喝散之雄
不敢輒舉姓字舉之立致族滅人無安土雖耕莫獲
紡績庸作之所得里長至搜作稅糧里書至逼充夫
馬大亂甫定賦無正額夫馬時需官問之里其長與

清豐縣舊志

李一

書問之戶二者民膏已竭而又盡於掣摧押號之胥
徒事廢人亡上無可備參考之牘下無能言興除之
口敗絮亂絲來一官郎累一官民去其三一官去累
又不止一官民去其五今之所存者行戶耳僑居耳
救禍無術其何能國余小子則爲之說曰捕盜魁可
乎曰所不敢言宥脅從可乎曰所不敢望去里長可
乎曰去長則里無所統易以百長取其統衆而不責
以科歛之事何如曰民願自投也不去里書而去其
沿門夫馬之索可乎曰不索夫丁男存矣不索馬畜

物留矣扶犁任土是所深願又爲之再三申告曰誅盜魁散脅從禁綽收嚴侵漁清繹遞載在令甲院道府廳時塵憂思可擘不已周巡下邑惟有司奉行力爾下民始不見德以爲不可幾倖之典也于是連捕大盜宥彼脅從革去里長聽民自投不用收役聽民自封又查有種種不情之費一併除免夫還于額設官董之馬還于額設官養之雖使星日過而民不知也曰可以苟活矣三月以內襁負而至者三千家扶門投丁者數百人存者不去去者漸還四野交交耕

清豐縣舊志

例

卷

桑有繹城市穰穰貿易無爭余小子將求邑乘而問物產豐畜之數良法美意可以資謗墮者忠義節烈可以正風俗者曰舊有志燼于火斷簡殘編豕魚滅沒此何時也而暇及此乎則又爲之說曰輿圖可不存乎人事可不知乎兵馬錢糧可不考乎遺俗善政悉付沈銷是不可不亟爲計也遂于四月之十六日鳩工開肆修補調失版計九十片匠計二百二十四人上供食則縣丞蔡紹芳督工則典史瑒玉賓校讐則教諭楊光國訓導梁師孟劉第助成其事則邑紳

僉事鄭位知縣杜我愚舉人杜驥馮瑞貢生李騰李
士貞生員栗濟寬郭衛宸等小子櫛生碌碌因人幸
無終曠厥事云爾順治二年端陽後三日知清豐縣
事萊蕪李櫛生紀事

舊志凡例

夫邑有志猶國有史久則應續無則應刪殆則應闕
豐約華質存乎其人志之大權輿也清豐從無志自
舊宰李公慨然有祖述文獻之思授簡澶淵晁太史
嚮古證今訪遐蒐逸巨細雅俗無不畢備而於晁李
家世繪述較詳爲帙凡六令得是志者一流覽間知
晁李人文不獨甲頸上而實冠寓宇猗歟盛哉夫公
能爲史何難爲志且清邑澶州俱公先世桑梓地著
述旣精聞見更實夫亦何蕪何殆之有但自嘉靖戊

清豐縣舊

例

清

午閱歲六十有七冀茨屢更滄桑遞變翰墨代興贊
豪輩出籍令有古無今後之考文獻而思祖述者何
所參證耶余不佞承乏是邑邑中諸紳士談及先令
及是邑先達有月旦已高而上不聞者有俎豆旣陳
而傳未附者津津口角若有所請余念叨令多贊之
邦前事芳規具在假幸與同時且願爲之執鞭敢區
不以聞而使湮沒無傳乎爰謀之盧學博遴得二士
郭子見恒邊子無烽爰華屬藁更令博訪之鄉紳父
老斷簡編無遺不葺又潔車幣走內黃迺迺司生惟

標相與商確振綱分縷較若畫一司生搦管揮毫旋
書旋梓閱月志成分以四帙視舊志藝文人物牽聯
支蔓實爲過之庶幾俾後晁李而接踵者與晁李並
傳不朽有志編摩者亦可相續於未艾也矣謬爲序
天啓四年知清豐縣事宜陽潘士聞撰

清豐縣志 續志次凡例照舊

卷之首

序續

目次

凡例

姓氏續

圖緯續

卷之一

沿革

建置續

地理

卷之二

清豐縣志

次

古蹟

風土

編年續

卷之三

田賦附里甲

鹽鈔 現行及今無全廢者續志注明

卷之四

祀典

帝妃封廕

官師年表續

武備續

卷之五

科貢續

循良續